

**ZAPISNIK SA
III VANREDNE PROŠIRENE SJEDNICE UPRAVNOG ODBORA
koja je održana ON LINE putem zooma dana 30.12.2024. godine
sa početkom u 18:00 sati.**

Na sjednici su prisustvovali članovi Upravnog odbora: Adnan Smailbegović, Nihad Imširović Behrija Huseinbegović, , Edin Ibrahimpašić, , Kemal Čolak, Ladislav Bevanda, Penava Jadranka, Adem Hanić, Šejla Bojadžija, Damir Vidačak, Rasim Memagić, Nijaz Skenderagić i Enver Malagić.

Na sjednici nisu prisustvovali: Snježana Koepruner, Džemal Hasković, Edin Jabandžić, Mujo Hasić, Tomislav Majić, Tomislav Vrdoljak, , Samir Mustafić i Nedžad Siočić, koji su opravdali svoj izostanak.

Na sjednici su pored članova UO I ESV-a za teritoriju FBiH prisustvovali i članovi UO UPKS, UO SBK, UO TK te predsjedavajući grupacija za djelatnost.

Ispred UP FBiH sastanku su prisustvovali Mario Nenadić, direktor, Mersiha Jusić, sekretar i Vedrana Živković, PR.

Sjednicu je otvorio Adnan Smailbegović, predsjednik Upravnog odbora Udruženja poslodavaca i predložio sljedeći:

DNEVNI RED

1. Izvještaj sa današnje sjednice ESV-a i Vlade Federacije BiH;

RASPRAVLJANJE PO TAČKAMA DNEVNOG REDA:

Tačka 1. Izvještaj sa današnje sjednice ESV-a i Vlade Federacije BiH;

Predsjednik i direktor su izvjestili prisutne o sjednici ESV- a i Vlade FBiH.

Nakon skoro 2 godine zahtjeva za formiranje ESV-a od strane poslodavaca i sindikata, prije sedam dana konstituisano ESV u novom sazivu.

Danas održana prva radna sjednica ESV na čijem je Dnevnom redu, pored ostalog, bila Uredba o minimalnim primanjima, koju je u skladu sa zaključcima kolegija ESV-a pripremila Udruženje poslodavaca u FBiH.

Od konstituirajuće sjednice ESV održane u utorak 24.12.2024. godine Udruženje poslodavaca je pripremlilo nacrt Uredbe i iskordiniralo istu na sjednicama Upravnog odbora Udruženja . Prijedlog Uredbe dostavljen Vladi FBiH i predsjedniku ESV-a koji su isti prosljedili i predstavnicima sindikata . (znači naš tekst su imali svi u pismenoj formi odmah, čim smo ga usaglasili)

Prijedlog dostavljen na današnju sjednicu ESV-a na kojoj je prezentiran od strane delegacije poslodavaca !

Prijedlog Uredbe odbijen od strane delegacija Vlade i sindikata bez pokušaja da se isti usaglasi odnosno doradi posebno što se tiče predloženog iznosa minimalnih primanja.

U vezi sa ovom problematikom, predstavnici delegacije Vlade FBiH pod tačkom dnevnog reda: Razno, najavili su usmeno da će na današnjoj sjednici Vlade FBiH, biti predložena i vjerovatno usvojena Odluka o minimalnoj plati za 2025. godinu u minimalnom NETO iznosu od 1.000 KM. Nakon ove informacije, delegacija poslodavaca zatražila je pauzu s ciljem konsultacija i nakon obavljenih internih konsultacija u nastavku sjednice, predsjednik delegacije poslodavaca obavijestio je članove ESV-a da je ovaj prijedlog poslodavcima neprihvatljiv, da je riskantan za sve i da će dovesti do zatvaranja 50 do 70 hiljada radnih mjesta u narednom periodu. Pri tome je dao određene statističke parametre o izvozu, inflaciji i dr.

Član delegacije poslodavaca Zoran Gazibarić dodatno je obrazložio situaciju u privredi SBK gdje se kompanije suočavaju sa ozbiljnim rizikom u poslovanju i pri minimalnom plati od 619 KM i najavio ozbiljne stresove ukoliko se donese jedna ovakva odluka.

Na sjednici ESV-a nije bilo posebnih rasprava i komentara na izjave predstavnika delegacije poslodavaca, te je predsjedavajući konstatovao da su podršku (usmeno) predloženoj Odluci Vlade FBiH dale delegacije vlasti i sindikata, dok istu nije podržala i bila je protiv delegacija poslodavaca.

U međuvremenu je, kako je i najavljeno, održana sjednica Vlade FBiH i oko 14:30 sati objavljena je vijest da je ipak Vlada FBiH donijela Odluku o minimalnom plati za 2025. godinu u iznosu od NETO 1.000 KM mjesečno !

Kako uz Odluku nema priloženih nikakvih službenih fiskalnih procjena niti druge analize (samo neformalne informacije i vijesti iz medija), prve reakcije poslodavaca su :

- Minimalna neto plata u iznosu od 619 KM na 1.000 KM sa obaveznim bruto dijelom je povećanje za oko 61,55% ;
- Najavljeno je od strane poslodavaca ozbiljno smanjenje radnih mjesta i ugrožavanje poslova, posebno u industrijskim niskoalumulativnim i neprofitabilnim granama ;
- Povećanje minimalnih plata obavezno vuče i povećanje svih drugih plata, što u ovom času još uvijek nije moguće procijeniti u kojem iznosu i kakve posljedice će ostaviti ;
- Povećanje minimalne i drugih plata, kao i prosječne plate, odrazit će se i na socijalna davanja na svim nivoima vlasti, što je novi teret poslovanja i poslodavaca.

- Predstavnici Vlade FBiH u ESV-u kratko su samo najavili intervenciju Vlade FBiH za kompenzaciju ovako povećanih plata u pojedinim resorima ali o tome nemamo ništa pismeno niti detaljnije.
- Umjesto najavljenih fiskalnih reformi i rasterećenja poslovanja ovakva odluka posebno u ovolikom iznosu, donosi velika nova opterećenja za poslodavce. Interne analize trebaju pokazati i dati detaljniju procjenu ove situacije.
- Nema najavljenih reformi zdravstvenog osiguranja, parafiskalnih rasterećenja i drugih olakšica koje su dugo najavljivane .
- Odluka o ovako ekstremnom povećanju minimalnih plata dolazi pred sami kraj godine, kada su poslovni planovi u većini kompanija već završeni ,
- Nema stava akademske zajednice i dr. aktera itd!

Predsjednik je istakao da je cilj proširene sjednice UO UPFBiH dogovor oko narednih koraka i medijskog saopštenja, zaključaka upravnog odbora u kom pravcu djelovati.

U diskusiji su učestvovali svi prisutni izražavajući svoje nezadovoljstvo.

Upravni odbor Udruženja poslodavaca FBiH ukazuje na ozbiljne posljedice i rizike donošenja ovako ishitrene odluke. Poslodavci jesu za povećanje plaća radnika, ali na način kako je to moguće i održivo, kako je i najavljivano, a to je da poslodavci povećaju neto plaće radnika, a da će vlasti kroz fiskalne i druge neophodne reforme, smanjiti obaveze poslodavaca prema državi i da će se na taj način popraviti položaj radnika. Utoliko je današnja sjednica Ekonomsko-socijalnog vijeća još jedna propuštena prilika da se ekonomsko-socijalni partneri pokažu odgovornim i da uz dijalog razmotre i usaglase očekivana i prihvatljiva rješenja. Naprotiv, stvari su vraćene nekoliko koraka unazad!

Današnja, neusaglašena odluka o ovako važnim pitanjima poslovnog okruženja, a posebno prije donošenja najavljenog seta fiskalnih zakona, redefinisanja pitanja zdravstvenog osiguranja na teret poslodavaca, smanjenja parafiskalnih opterećenja, usklađivanja socijalnih davanja i dr., ozbiljan je dodatni namet poslodavcima i proizvest će vrlo izvjesne štete u poslovanju, smanjenju broja radnih mjesta, ugroziti konkurentnost naših kompanija, posebno na inozemnom tržištu, što će dodatno obeshrabriti investitore u FBiH.

Povećanje minimalnih plaća obavezno vuče i usklađivanje, odnosno povećanje svih drugih plaća, a također je dobro poznato da povećanje minimalne i prosječne plaće, za posljedicu ima i dodatna socijalna davanja na svim nivoima vlasti u BiH.

Šokantno za poslovnu zajednicu je da se vlast opredijelila za ovako veliko povećanje plaća radnika bez poduzimanja bilo kakvih fiskalnih reformi, bez najavljenih reformi zdravstvenog osiguranja, parafiskalnih rasterećenja i drugih olakšica koje su dugo najavljivane!

Odluka o ovako ekstremnom povećanju minimalnih plaća dolazi pred sami kraj godine, kada su poslovni planovi u većini kompanija već završeni i kada je nemoguće u većini slučajeva, ovako drastično povećanje plaće ukalkulisati u poslovne planove za narednu godinu.

Nakon diskusije i analize situacije, Upravni odbor Udruženja poslodavaca FBiH jednoglasno je usvojio sljedeće zaključke:

A.D. 1.1. Zadužuje se stručna služba da hitno uputi saopštenje za javnost:

Udruženje poslodavaca FBiH će uputiti saopštenje kojim se osuđuju odluke Vlade FBiH i ukazuje na njihov negativan utjecaj na privredu, radnike i javne fondove.

A.D. 1.2. Angažovanje PR stručnjaka i intenziviranje medijskih aktivnosti

Hitno angažovati PR agenciju za realizaciju medijske kampanje s ciljem informisanja javnosti o štetnostima donesene odluke i zaštite interesa poslodavaca. Maksimalno povećati vidljivost reakcija poslovne zajednice u javnim medijima, uključujući kantonalne inicijative.

A.D. 1.3. Pokretanje inicijativa za otkazivanjegranskih Kolektivnih ugovora (KU):

U skladu s važećim procedurama, pokrenuti aktivnosti za otkazivanje svih potpisanih granskih Kolektivnog ugovora.

A.D. 1.4. Angažovanje pravnih timova:

Pravni timovi će biti angažovani s ciljem pokretanja pravnih postupaka radi osporavanja donesenih odluka Vlade FBiH i ESV FBiH.

Zapisnik sačinila:
Mersiha Jusić, SEKRETAR

PREDSJEDNIK UPRAVNOG ODBORA
Adnan Smailbegović s.r

Sjednica završena u 19:30 sati.